

3. *Ikinyabiziga cyambere mu biherekeranyije mu butumwa, kigomba gushyirwaho icyapa cy'umuhondo cyanditseho mu nyuguti zitukura «ATTENTION CONVOI» aya magambo akaba asomeka neza ku manywa muri metero 100 .*
Ikinyabiziga cya nyuma mu biherekeranyije mu butumwa kigomba gushyirwaho inyuma icyapa cy'umuhondo cyanditseho mu nyuguti zitukura « FIN DE CONVOI » aya magambo akaba asomeka neza ku manywa muri metero 100 .
- ✓ **Ibinyabiziga biherekeranyije bya gisirikare birangwa n'amabwiriza ashirwaho na Minisitiri w'ingabo z'igihugu.**
4. *Ibinyabiziga bikururwa n'inyamaswa biherekeranyije mu butumwa bigomba kugabanywamo amatsinda afite uburebure butarengeje metero 500 kandi hagati y'ayo hakaba nibura metero 30 .*

Ingingo ya 50 :

Ku mateme hagati y'ibinyabiziga bifite ibimenyetso byerekana umuvuduko nkuko biteganywa ku ngingo ya 29, 4 hagomba kuba nibura metero 10 .

2.2.3. ICYICIRO CYA III : Ibinyabiziga bikururwa n'inyamaswa

Ingingo ya 51 :

1. *Umubare w'inyamaswa zikurura ibinyabiziga ntushobora kurenga enye zikurikiranye n'eshatu zibangikanye .*
2. *Uburyo bwo kuyobora no kuzirika ibikururwa kubikurura bugomba gutuma umuyobozi ahora agenga inyamaswa zikurura kandi akayoborana ikinyabiziga cye ubuhanga n'ubwitonzi .*
3. *Ibinyabiziga bikururwa n'inyamaswa bigomba kujyana n'umubare uhagije w'abaherekeza kugirango bitabangamira uburyo bwo kugenda mu muhanda cyakora iyo umubare w'inyamaswa zikurura urenze 5 hashyirwaho umuherekeza wunganira umuyobozi w'ikinyabiziga.*
4. *Iyo uburebure bw'imizigo iri ku kanyamizigo gakururwa burenga metero 12 hagomba umuherekeza ukurikira icyo kinyabiziga cya kabiri.*
5. *Iyo uburebure bw'imizigo iri kukanyamizigo gakururwa birenga metero 12, hagomba umuherekeza ukurikira icyo kinyabiziga kumaguru.*

2.2.4. ICYICIRO CYA IV : Utunyamiziga dusunikwa -Ingorofani

Ingingo ya 52:

1. *Iyo akanyamizigo gasunikwa cyangwa ibyo gatwaye bidatuma umuyobozi abona neza imbere ye, uwo muyobozi agomba gukurura ikinyabiziga cye. Ingorofani zinyuzwa mu nkengeru zagutse, iyo inzira nyabagendwa idafite inkengeru iringaniye n'umuhanda cyangwa iyo aho hatagendeka .*

2.2.5. ICYICIRO CYA V: Amagare, Velomoteri n'Amapikipiki

1. Abayobozi b'amagare na velomoteri babujije :

a) Kuyobora

- *Badafashe amahembe, Badakandagiye ku kirenge, Bakurura inyamaswa, Bakururwa. Batwaye cyangwa basunika ibintu byabangamira imiyoborere y'ikinyabiziga cyangwabyateza ibyago abandi bagenzi bari mu nzira nyabagendwa .*
- b) *Kunyura mu muhanda kandi hari akayira k'amagare kagendeka ;*
- c) *Kurenza umuvuduko wa kirometero 40 mu isaha iyo bagenda mu kayira k'amagare;*
- d) *Gukoresha amahoni yandi atari ateganijwe n'ingingo ya 83;*
- e) *Kunyura hagati y'imirongo ibiri y'ibinyabiziga bibangikanye.*